

有正味齋詩集

有正味齋詩續集卷二目錄

錢塘 吳錫麒 聖徵

萍聚集一

元夕潘亞江招飲適洪稚存來寓湖上云即日有大滌  
之遊欲邀一敘辭之不得因作詩以酬亞江

題高遵菴樹

漁父圖

送關甥

振勳

之

州參軍任即題其鶴舟圖後

潘亞江招同費

咩

高秋崖

觀海

施藻嵐

文集一房

山觀梅

王竹嶼別駕

鳳生

補官來浙以所刊尊人詩亭大僕雙

佩軒遺集見貽後附令兄香圃

麟生

補梅書屋遺詩

展讀之餘悲吾友之不復見而又幸其有子之克家

也因成詩五十韻述余與薪亭兩人之蹤跡以付之

題范楷亭將軍建寧指畫圖解後

梁山舟先生比酒人爲發醉餽首與秋子賦詩見貽余亦繼作

嘉興

補壽李味莊觀察六十一首

穀雨後五日沈旣堂前輩招集味燈書屋觀牡丹地卽

汪蛟門先生百尺梧桐閣故址松梧皆其手植也

小玲瓏山館石詩家迂客屬賦三首

題李味莊觀察思園遲客圖

題沈湛彪聽琴圖

題朱敬亭所藏姬人韓荔鄉遺照

立夏前一日雨中招同楊采人

瑛飛

趙味辛聯秋竹

壽階

延構

汪春田

爲霖

集小清涼界分韻

題熊夢庵竹陰消暑圖

圖中二人其一乃余門人恩雨堂吏部也

送楊米人還保定

容園芳藥歌江元卿士相席上作

題馬郎中

金硤州煮飯圖

題袁綬階歸硯圖

送許秋巖前輩自浙臬移藩江寧二首

紅橋晚歸

梁亭如以卓異引見記名仍還上饒詩以寄之

小檀藥室讀書圖爲胡秋白范小湖查梅史屠琴塲

積堂五君題

題王茂魚竹屋圖

陳老蓮手書詩跋後云佛弟子秋觀者其安吳淨夢妹

也後有蔣芝生敬補圖郭頻伽索余題之

黃星橋初重摹盛子昭黃鶴樓圖令兄書尾屬題

題鐵梅葺制使吟餘習射圖

題曼倩偷桃圖

題戴龍塘壑哲川歸隱圖

題蔣立崖天遠野雲圖

題魏春松松靄山房讀書圖

又題其冷泉窺句圖

上海南園新種池荷余以八月來寓猶見一花媚淨可

愛

與李味莊同年三首

題朱湘霞塞外曉行圖

聞味莊靈柩歸葬滄州余不沒從執紼之役賦詩三章以志哀悼

季冬殘菊猶開賦詩賞之

寒江

冬至後二日伊墨卿太守招集六一堂

宿準提庵

重返敝廬已屆歲暮自慰二首

雪後同人小集有正味齋

凍雪滴簷清寒特甚坐小池上偶拈稽曹山民三體詩仿其句而酈之報謂不來索通率至而梅花已有放

卷一百一十五

者亦殊有慰于寂矣

有正味齋詩續集卷一

錢唐 吳錫麒 聖徵

萍聚集一

元夕潘亞江招飲適洪稚存來寓湖上云卽日有大滌  
之游欲邀一敘辭之不得因作詩以謝亞江

佳招已分笑言同急遞翻催到寓公燈市阻人雙屐雨梅花待  
客一湖風會逢白髮俱難得判與清尊各不空且送洪厓入山  
去買春重約醉顏紅

題高邁菴樹種漁父圖

日日鯢魚渡日忙幾曾亭長占鱸鄉斜風細雨蘆三面短笠長  
蓑鷺一牀士借釣竿稱大隱古聞孺子重滄浪浮家笑我都無  
定愁對桃花春水長



送關甥振勳之梧州叅軍任卽題其鶴舟圖後

汝母吾仲妹與我肩差齊高堂極愛惜舉動中禮儀十八歸汝  
家門戶煩拊持慣梳貧女頭不憚巧婦炊吁嗟三十載寒酸閱  
冰齏宛宛長諸雛漸見頭角鰲鳳皇將九子乳哺出母慈辛苦  
汝父力白盡領下盤婚嫁行且畢功名亦付之汝少氣騰上百  
藝無不爲頗工子久畫亦畧香山詩往時來都下行李一束齎  
徒以廢學故對我色不怕

朝廷廣器使不在文學知羨汝好身手給事史館趨吏豈辱張  
旣秩敢卑王尼時來數晨夕不厭典制稽惟因親愛故翻令憂  
別離我歸汝乃留敍勞待微宦聞持叅軍版將赴百粵西春風  
乞歸省相兄梅花時示我鶴舟圖此意吾爲思鶴性取高潔勿  
令素衣緇丹行在利濟須憫蒼生危行行蒼梧路渺藤江滄

蹶涉道路勞眺覽山水奇丹青眺身八何待圖障施點焉雖可  
藥蠻語何容唾母伺公喜怒但救民瘡痍迴念用師日烽火照  
大旗四野鳴悲笳日落愁雲低至今深菁里猶有西鬼啼膏血  
染鋒鏑頑苗豈真迷所賴長官心預約綬靖宜匡贊庶有補勉  
勉吾子期永保清白名以慰父母思此言聽我勗此圖爲汝題  
輕帆破浪去健翮摩空飛

潘亞江招同費堯峰農高秋崖觀海施灝嵐枚集一房

山觀梅

白頭生怕故園違杯酒新年一榻依花氣最能蘇病骨酒痕依  
舊染春衣相期何遠詩同賦肯讓林逋鶴久歸謝堯卜築秦亭  
吾有口小樓殘笛送斜暉

王竹岬別駕鳳生補官來浙以所和尊人詩亭太僕雙

佩軒遺集見貽後附令兄香圃戲牛補梅書屋遺詩展  
讀之餘悲吾友之不復見而又幸其有子之克家也因  
成詩五十韻述余與詩亭兩人之蹤跡以付之

陋巷喧忽動客來款柴荆云是故人子別已寒暑更茲當官我  
漸念我停前旌示我老友集八卷雕鐫成附以阿兄詩亦復琳  
球鐸嗚呼三十載幸託綢繆情往來蹤跡熟語語皆平生憶昔  
歲乙未計偕集神京顧視此客異流盼騰元精寒齋同一甕  
暗裏酸鹹并得失亦偶耳諒不區區爭所嗟桃李月吹散春風  
聲參差出復沒啟明與長庚離合信有數笑語還相迎天邊羣  
仙會終聽覽寰宇得儲物情奮用儒吾道亨退  
朝時偶暇輒共謀杯鐺捉拇教白戰燒燈呪明瓊中閭樹吟壘  
各競牛耳盟前張鵬更後張山堅壁兀自撐大阮謂大猷合及小

阮謂令姓

折衝頗能兵摩空下飛圖突出雛鳳鳴盤龍父子騎所

到人盡驚時奪楚人幟欲下全齊城富時簷際月不知幾回明  
冬爐支煖屋秋花蔽涼棚但當樂事繼豈有愁緒縈然其憂國  
計獨抱傾陽誠封章屢焚稿

天路旋拜榮視漕值鄉國司僕躋清卿胸中卷阿什恩出輔治  
平鼎實雖未升調之即成羹哀哉半途蹶不使終功名白日挽  
不得逝水馳東瀛徒聞鸞鶴奏吹入綵山笙今朝展此卷承睫  
淚已盈形神隔山嶽氣象迴崢嶸如在夢寐中歷歷顏色呈嘗  
讀茅苴篇君尤憐汝兄亡之命矣夫其光故英英顏竣筆先得  
李苞書並行人生爲子弟責任良不輕履綦追故步基局收殘  
枰如傳魏公笏勝鑿晏子楹遂冷千古業苦心照秋檠回首喬  
木閒花飛鳥嘯嘯是我訂交日二月春正晴今逢郎君貴重繼

清門清黃堂勞佐治綵野容歸耕一廛穩吟夢吾願常爲氓

題范楷亭將軍

建寧

指畫圖解後

空率博戰古有之此意豈欲輕毛錐奇哉畫理不可測造化乃  
以指運爲 本朝創者高司寇骨肉飛騰妙誰授莫向天龍豎  
處求我從我法先參透陰陽正背并復分陣法吾服公能軍五  
指突化五獅子直向虛空拏墨雲淋漓元氣自來往落紙聽鏗  
銅爪響一點金鍼度世心口不能言示諸掌射石曾經沒羽來  
區區柔翰胡爲哉譜成翻學蕙芽斂甘讓彭城聚戰材胸中甲  
兵無不有不是旁人能掣肘秋風饒殺故將軍左要持螯右持  
酒

梁由舟先生比酒人爲發醉饒首與秋子賦詩見貽余

亦繼作

春風一紙來霍然蘇病肺殷勤藥石言意乃爲我輩平生無他  
腸謬辱<sup>勉</sup>生愛支撐小家屋恩與大戶賽濟師入腹心負痛夾  
肩背是唯本旣虧遂令中欲潰壁之起醇法和麪濾成塊龍蒸  
作其氣外盛耗於內肥皮漲膨脗密孔攢細碎以此論腑藏菁  
華懼先刈空洞失所憑不疾心亦痼奈何沉酒徒至死弗知悔  
連岡松栢聲風雨發感慨糟邱兵鋪米汁彌勒袋幾箇上饅  
頭中間酒人在誰歟身後名尊俎奉百代所嗟齏菹餐略要藉  
沾漑摩挲小人腹斟酌君子誨丹非以瀦藏食豈因噎廢剛制  
謝不能柔克期勉速不爲法士拘亦不俗客耐啾啾戒醉言傲  
傲懲舞態提壺春鳥呼問字門生載禮飲或庶幾三爵油油退

嘉興

春雨不能已白雲如迭行一篇復一牘望望由拳城但見樹色

浮不見山影橫回頭三塔灣薄暝漁煙生傍水幾漁舍酒甕茅  
柴清攔門挂破網不用關柴荆自樂野人野所取適性情嗟余  
淹旅宿咫尺風波驚沙鷺促先泊後船舫尚鳴林端佛火出招  
來就鐘聲

補壽李味莊觀察六十二首

明月在天雲霧洗喬松拔地薜蘿攀文章活國書三味寒暑招  
人厦萬間豪吸紫霞傾北斗笑攜紅袖話東山部民分得神仙  
福比戶期願共往還

君署在上海有月歲  
者二人居近署左右

接翅蓬萊四十人與君今已鬢如銀無多前輩方知老極好官  
聲最是資大海鳴琴舟刺熟虛堂論史燭燒新

時有諸史  
節要之訂

要酬憂

樂平生忘甲子從頭再細論

穀雨後五日沈既堂前輩招集味燈書屋觀牡丹地卽

汪蛟門先生百尺桐閣故址松栢皆其手植也

石鼎魚眼生昨嘗穀雨茶  
陶尊浮蟻動今賞穀雨花  
酣酣卯時醉目炫五色霞  
白者肌膩紅者內映紗  
十重步障設四面流蘇  
遮空濛香霧中各自爭  
華豈知達者心不以富貴  
誇即如此園亭往時亦豪  
奢少壯時三好黃金擲泥  
沙梧桐森百尺高閣先闌  
斜百年一炊黍落隨風鴉  
先生但行樂老福天與賒  
招邀詩酒客同駐門前車  
開固自好花落不用嗟  
牛酥煎亦得清供屬山家

小玲瓏山館石詩家壯客屬賦三首

雍正間甘泉令龔君恕以太湖石贈馬徵君嶰谷石玲瓏高聳  
凡役百人破隣屋輦至嶰谷廬寄物之賈禍也特窖藏之後山  
館歸汪君雪璫始出之泥中一時吟者甚衆今雪璫歿又十餘



年矣家官國於壬戌初秋重過其地賦詩志感繪圖記之屬余  
同作三首

九華珍玉局三品重鷗波此石呼應丈頻年隱在阿廬身攢雨  
蘚寒夢老煙羅華屋今多感知君感更多

皎月虛堂落高風喬木吟玲瓏一片石鄭重百年心顯晦真無  
定盛衰會幾禁居然埋不沒長擁暮煙深  
茫茫人已去黯黯石何言歌吹聲都變文章道不尊飄搖風雨  
急零落畫圖存恍與精靈接蛟螭夜鬱蟠

題李味莊觀察思園遲客圖

居官類傳舍謂是達者吾忍令民社計敗壞不復論煌煌二千  
石比古諸侯薄郵黃有良法清弊先清源養民如樹殖愛惜培  
其根徵吏等榛穢痛切焚蕪繁但得善馬息自然本俗敦聞君

守吳郡人感雨露恩能得法外法所理無荒屯此國久寂寞往  
臥迷苔痕鴟鵂叫白日山鬼啼黃昏汁竈集竈鬼塢塢雞豚  
昔羅花與石今雜漚與藩昔迎名士履今曠襲婦禪埽除或有  
意勤惜工費繁誰知澄清力乃待君下轅政事有餘暇涉歷停  
飛軒蟠鬱邱壑狀宛宛胸中捫或者接以廡或者續以垣洗竹  
或疎徑插槿或設樊或合形輔勢或激流植拔略需中人座不  
苦庶役奔經營一室中瓦甃道亦存從此佳客來相約開清罇  
同舟每羨郭老輩交推袁酒懷瀉浩蕩詩骨爭騰騰夜深燭更  
熱四座戒勿喧高論經濟略語語洞本原時余官京師未出敘  
寒暄殷勤魚腹書勗我德勿諉至今清夜夢常繞吳閭門自君  
建節去海上移朱旛我亦十年隔江湖引歸魂一朝蹤跡并親  
我若弟昆情故曩日會不得髯共掀披圖見彷彿老柳雖已髡

遺愛猶在人長願長子孫民毋忘甘棠君毋忘恩園

題沈洪處聽篳篥圖三首

赤日倏然過微風能目涼如聞楚些曲搖舫下瀟湘

一十五竿非少九十三華不多蕭蕭寥寥四面能令古水生波  
有客有客求知音望而不見相思深南風五月雨初過醉竹一

枝煙曉吟

題宋敬亭所藏姬人韓務鄉遺照三首

無復佳人望難收老淚回中元紅薦否冷語荔鄉來

譚徽之畱舊夢白香山贍新詩耳根聞語須記郎罷何人喚時

譚徽之事  
見天中記

位業真靈證渺茫游仙易繼絳羅裏色香總落凡間想上品難

忘十八娘

立夏前一日雨中招同楊米人孫和趙味辛蔣秋竹袁

壽階廷樽汪春田爲縣集小清涼界分韻

相見天涯各白頭一尊重約送春留鶯花已醒揚州夢風雨俄

生海上愁時泰無有寇賊官官兵過揚州者相踴鄉味我憐櫻笋在簡書人畏酒漿求東

君且合停歸鞚怕有孫恩阻上流

題熊夢庵竹陰消暑圖圖中二人其一乃余門人恩雨堂吏部也

此君相對易蕭森況復山陽感已深生死兩人存古道清寒六

月抱冬心凌霄自羨高雲託展軸都難老淚禁日暮真思刺船

去海天傾洞起龍吟

送楊米人還保定

難得羊城返旆餘却來邗上慰幽居

君王自是憂畿郡才于何曾負使車花鳥情長蠻語熟金銀氣

短越裝虛正煩賈護壽三策早晚承 恩聽特除

容園芍藥歌江元卿主相席上作

天邊無此雲霞幻爲殿春歸邀一盼故事淵源鄭國風清詞接  
續揚州慢揚州風物重名花日日郊原走鈿車佳兆傳來金帶  
種香魂喚起玉鉤斜昨朝火速朋尊赴風雨前灣催易暮髻絲  
落落我增羞眼福區區天亦妬水晶眠夢愁不醒醒時重復見  
娉婷誰憐密艷燒高燭誰護深叢綴小鈴深叢密艷殷勤選不  
定神光屢搖炫有情合入女郎詩無垢宛呈菩薩面主人留客  
啟瓊筵同詠霓裳聚衆仙婪尾杯拚傾宿釀纏頭費要乞新篇  
新篇亦費鴛機織輸與芳姿兼五色上品華鬋市上逢前身金  
紫場中識頗憶長安花正開翻階爲待玉珂來幾人賦藥中書  
省幾箇調羹宰相才傷心還作燕城客冷落繁華與曉晴難逢

高會萬花明空照涼蟾二分白羨君來往獨情親花下頻招羈  
旅人金屋不嫌窺近侍銅鑪尚許借餘春

題馬郎中在硤州煮賑圖

指點菩提現寶坊不知仁者意徬徨劃開中澤逃飢鴈畱住斜  
陽畫翳桑萬口齊聲聞有翁

九重連日念如傷披圖莫負丁寧意但救奇荒策要良

題袁綬階歸硯圖

清容居士硯本蘭泉侍郎物後以贈綬階今作歸硯

圖攜來揚州屬題

清容遺硯重球琳投贈重歸著作林上戶膏腴名士業中原文  
獻古人心楓橋命酒前游記蒲褐談詩舊夢尋今日揚州坐明  
月願憑石友證遙襟

送許秋巖前輩自浙臬移藩江寧二首

承

恩幾載出西清相值旋逢換使旌青眼公能容後輩白頭吾儕  
作蒼生飲羊市上懲除早種柳隄前長養成仍是江南舊令尹  
棠陰此去接郵程

記得行轅父老攀今來重覩使君顏屏藩位接三江督笳吹吟  
豪六代山自峻垣封真萬仞每叨履庇卽于間棲霞藥草如堪  
乞願約梯雲共往還

紅橋晚歸

岸柳騷騷又欲秋冶春幾箇舊人游樓臺慣被蒿萊託歌吹能  
生山水愁難得高荷圍鷺立不禁涼竹雜螢流畫船只怕歸來  
晚新月多時掩玉鉤

梁亭如以卓異引 見記名仍還上饒詩以寄之二首  
西江仍復吟賜拜 寵重邀日月光已稔強宗如大薤當恩  
遺笏繼甘棠雙門涌翠迎仙兒一掌擎雲覆印牀此去種花知  
熟手但添雨露發新香

禁垣繞繞柳成圍來往書堂客已非辛苦一官今白髮艱難羣  
從舊鳥衣家風尚羨三公貴 國計當謀百姓肥我在江湖頻  
引領清風先被望漁磯

小檀欒室讀書圖爲胡秋白范小湖查梅史屠琴陽及  
積堂五君題

青山如凡江如帶欄住白雲人境外一林但放竹身高萬卷能  
撐茅屋大郭兒井畔舊禪居瓶鉢蕭條瘞却餘門掩夕陽惟鳥  
下隴荒寒菜少僧鋤壞墻一讀五君詠始嘆賓朋往時盛彌勒



禪邀酒客叅浪仙佛展詩人敬殷兄張文熟綠多短李髯孫過  
卽哦狂劇學爲蒼鶻舞豪來唱出夜叉歌三間淨埽藤蘿裡醉  
日扶持此君徙相非食肉俗狀捐又有彈蕉直聲起滿牕涼氣  
風條條簾紋貼地湘波流徐搖畫葉于番絲直接潮聲一片秋  
影裡鳳皇青不改縹緲誰知故宮在銅駝早泣玉華門老樹徒  
傳建炎載楚字幢前繡綠苔卽今過此重徘徊鐘殘飯罷闌黎  
去月上天寒措大來當年縉嶂層層裏日擁百城南面坐得爭  
千古定輪君悔不十年同住我展卷蒼茫想見之雲煙咫尺路  
迷離煮茶但莫忘前約煨芋終須踐後期

題王尺魚竹屋圖三首

有屋兼有水豈可無此君鄰家秋許借吾請謀二分  
槎枒欲吐芒角紀綱自報平安熱沸消無一个六月能生年寒

屋小窗才一扇開  
鬚眉照得綠如苔  
老夫近斷花猪肉  
已約同  
參玉版來

陳老蓮平書詩跋後云佛弟子秋觀者其妾吳淨髮妹

也後有蔣芝生

敬補圖郭頻伽索余題之

禪榻茶煙醉阿遲  
其旁侍者亦大姿  
自憐無主桃根妹  
願禮蓮  
花作本師

黃星橋荷重萼盛子昭黃鶴樓圖令兄書屋屬題

飛梁百尺晴虹架  
金碧玲瓏嵌雲罅  
仙人自古好樓居  
天上此時催羽駕  
側身西望涼宇秋  
是誰汗漫乘風游  
一騎分明黃鶴下  
片言珍重玉賓留  
此樓經始知何代  
此畫曾看真本在  
下界  
翻疑上界通前人  
却許今人賽搖搖  
倒影臥綠波迴環  
一鏡青  
銅磨菱荷殷生雜  
鷗鷺雲霧空起迷  
龍壘尤工畫界秋  
毫析萬

戶千門分歷歷盤空幾級下靈旗透頂一聲飛鐵笛武昌城郭  
接空冥樊口人家簇遠青嵐氣合時連島嶼天風響處動窗櫺  
滄桑過眼如飛羽中有憑闌人弔古故國江山感鳳凰才人文  
采悲鸚鵡經營餘費十年思老輩精能宛肖之但剩荀懷千古  
跡不慙崔灑上頭時阿兄索我題時句我記采魚圖舊賦謝客  
徒悲春草池漢陽彌念晴川樹妙手摹神藝更超莫愁繡楫易  
飄蕭死然東去三江合倘要南飛一曲招

題鐵梅芬制使吟餘習射圖

此制使與其配如亭夫人習射圖也爲閨秀盧元素  
繡圖中多藝藝葵兩婢旁立執弓矢亦與於射者  
春月和悅秋月懷詩人妙語誇賢裏右手附枝左手拒射法兩  
言傳列女先生持節江南來閨中良友非凡才雅篇繡羅女師

肆藝圃還如嬰相開香園蜀錦搖風 綿絕分場爭就次此會  
軍煩娘子行有時婢學天人戲使君親從壁上觀彎弓欲發勢  
先盤飛聲掠過花千色破的飄來月一團論功行賞金錢賚角  
黍唐年應可賽龍媒豈羨茂如張納房猶見蒲之愛家庭樂事  
善翻新圖畫惟愁寫不真度出鴛鴦方見功繡如萬髮最能神  
知公奕世

君恩沐騎射相承家法熟小戎敢廢婦人詩補衣願成  
天子服明朝講武臨江溥莫驚閭外尤嚴森十三篇但陳孫子  
不外吳宮教戰心

爲家思亭題擇翁畫竹二首

繩匠衙衙夢去遲美人風雨動相思一枝翠竹淋漓在如見髯  
翁被酒時

經營老屋隔溪隈，臘箇貓頭記手栽。  
惱我竹枝歌不得，梅花深雪墓門哀。

題曼倩偷桃圖三首

朝涉紫泥海，暮窺朱鳥窗。  
桃花洞門閉，雲裏映仙龐。  
蟠根莫羨度，索結實須待。  
蓬萊欲問一熟再熟，但呼朶朶來。  
待語金門久，苦飢竟來大上作偷兒。  
神仙遊戲寧真箇笑我看圖欲朵頤。

題戴服塘瑤茗川歸耕圖三首

同無田可買，偏約賦歸田。  
畫出袞袞樣，荷花紫草邊。  
太守山資自足，大夫越橐曾儲。  
先生歸食破硯，捫腹便便有餘。  
聽漏朝班世載陪，蒹鱸風信遞相催。  
結鄰願卜蒼溪路，芒屨橫騎犢背來。

題蔣立厓天遠野雲圖

天風蓬蓬雲出門何年歸向山中屯記收湖海將殘局旋捲邊  
關未了瘴蘆花淺木瓢來乍吮墨曾看湘管下萬事原同蒼狗  
論一番幾作銀杯化人生出處信有天失馬亡羊漫自憐此賦  
遂初原早計高歌出塞亦前緣冥濛遠自天山起直壓長城舊  
時壘萬馬西風蹴處黃一鵬落日飛邊紫燕猶急管遞相催洗  
出刀環明月來片影已教辭瀚海孤心猶自挂輪臺得歸早悟  
人間世南山北山聊適意蕩漾安能學水聲嵯峨早倦爲山勢  
楚弓楚得候相遭此隱翻如畫本招芒屨好隨穿故徑蒲帆記  
約卻春潮黃鶴不來鷗鷺去迷離過眼吹如絮豈無笛簫倚樓  
時賸欲碑尋墮淚處今昔分明萬變圖往來從此得相俱伴人  
嬾散空山臥與爾蒼茫遠數通望雲我已歸嗟晚差喜老親猶

健飯持贈應煩到聖湖招呼尚許游吳苑八山明日同踏雪與  
君去作雲中君請將前度爲霖願唱與新詩下界聞

題魏春松松靄山房讀書圖

十年悔我遲一卷羨君挾日住松靄深冥坐理先愜颯然山風  
生番番捲涼葉

又題其冷泉覓句圖

幽泉悄不聞猿梵若答之豈知無想中已入呈佛詩清談須我  
對苔坐捉松枝

愛  
上海南園新種池荷余以八月來寓猶見一花媚淨可

淦淦暗潮通人來蓮葉東微香生冷雨單袂側秋風羅綺新相  
識鷗鳥舊盟同增余遲暮感不待夕陽紅

哭李味莊同年

人生倫類宜兼盡

味莊

恨獨長鬚折敢教兒隱痛

當君病時余在七旬

目太夫人

結言爭奈友誼

難過千里煙波闊拚結三生精氣債

難促歸

離合可憐蹤跡慣

益棺何事與相望

宦轍江南遍上游油幢羽葆足風流誰知白首無窮感却抱蒼

生未了憂胸臆要能森五嶽文章原可倚千秋高風落日留難

得萬壑蒼茫紫氣收

黯黯難追獨往言迢迢空有未招魂琴尋海上天風斷樹帶江

頭夢雨昏如此長官知世少話來野老亦聲吞

君著例有二老人年皆百歲歲君九五

酒瓶倒臥欄杆敗莫更南園認月痕

題朱湘霞塞外曉行圖

風急響雕弧寒星淡欲無雁行十里潤虎氣一峰孤立馬看羣



塞歸舟又五湖  
湖濱殘月落遠夢繞飛狐

聞味莊靈柩歸葬滄州余不及從執紼之役賦詩工章以志哀悼

嗚咽黃可水寒聲不可聞招魂從此去落  
落君海上琴誰

續入邊鴈竟分愁心與明月一片盪孤雲

同有青山分催教日  
日驚文章慚後死  
時為撫平膽重平生短札

文魚江深杯綠蟻傾酬君無別物老淚落縱橫

季冬殘菊猶開賦詩賞之

陶公老去賢毛侵猶戀餘花著意尋身耐苦寒堅晚節天留奇  
豔助冬心  
補料理霜豎得紙屋招攜凍  
一樣素娥催不  
落供人冷處促清吟

寒江

黯黯一江愁潮來亦白頭  
風街所落薄日懶隨舟  
飛旋定魚龍氣早收酒旗無望處燈火冷瓜州

冬至後二日伊邇卿太守招集六一堂

綵線能添蕊線材夕陽吟過尚徘徊  
參差古木投鴉見輕重寒雲度鴈來  
老圃霜腴珍曰菜殘年風味愛黃梅  
酒盃放下增惆悵江上歸心白塔催

宿渾提庵

一宿來桑下還分香積餐  
津梁渡已極瓶鉢契非難  
燈影鼠窺熟江聲佛說寒  
功名如夢過芋火夜深殘

重返敝廬已屆歲暮自慰一首

歸來仍是歎勞薪卻借年華換客塵  
煙墨生涯貪暮齒青紅兒女慰衰親  
平生漸熟投林計高興猶呼漉酒巾  
多少雪霜能飽

服依依音僕也志貧

羅公祠畔數煙蘿里社逡巡臘祀過燈火幾家機戶聚荒寒隔  
水柴傭多逝將收歲嗟倉卒剩數光陰付刹那只笑老夫真曷  
睡強隨嬌女祭床婆

雪後同八小集有正味齋

飛騰與未倦霜毛良會猶爭此夕豪段斷賤謀霜解大市橋寒  
望酒星高生驚世事催年鼓暗激詩聲厲海濤斗柄漸迴更亦  
轉滿簾紅燭雪光盛

凍雪滴簷情寒特甚坐小池上偶拈舊畱山民三體詩  
仿其句而吹之報謁不來寒連罕至而梅花已有放者  
亦殊有慰於岑寂矣

霽雪渺煙外怡然得意孤爲防苔徑滑弱竹來扶

繞簷特憐雀凍上距方信雞寒一雙獅子韞厚老夫不厭餐調  
了無塵雜擾吾廬略有書聲慰素居頌會一段清苦味煮茶勝  
趣破梅初

有正味齋詩續集卷一終

有正味齋詩續集卷二目錄

錢塘 吳錫麒 聖徵

萍聚集二

題屠琴塢耶溪漁隱圖

題袁綬階移居載書圖

雨後靈隱道中

潘芝軒學使世恩屬題漢甌硯圖

題金忠節公像

題瑛夢禪寶韜光觀海圖

題廣時庵苑卿塞外雪行圖二首

補祝范文山同年七十壽

題江韜山松風澗水圖

家暮橋索生輓詩戲賦三絕

大風至平山堂訪小石上人

山舟先生以重赴鹿隱宴詩見示賦答四首

題大滌子畫卷二首

哭何春海二首

待梅

雪中過華秋槎

瑞潰

北山旅館

喜晴

十三日夜集胡味蕓

爐

一壩書屋

十四日夜集項秋子春及草堂觀月

十五日夜月

十六日夜月

十七日夜池上待月送汪易術至揚州

白文公生日同人襲服於西湖廟下

清平階中丞安泰自去臘移撫河南吾浙謳思者至今

未已賦詩二首寄之

項秋子招集蘇公祠觀梅用東坡松風亭下梅花盛開韻

過新市不及訪沈梅村以詩寄之

晚過烏戍

舟中望靈岩諸山

與吳門諸君子有鄧尉探梅之約而不果赴以詩志憾  
毘陵道中八首

呂城

暮過陵口

京口待渡

洪桐生太守

樞

招同秦曉峯觀察

維嶽

貴仲符郎中

徵

平山堂觀梅有懷小石上人廬山之游

曉峯觀察以游平山堂詩來次韻

花朝

喜雨

喜葉夢中丞重來撫浙賦呈四首

四月三日湖上作

春盡日雨中同梅村於玉蓮庵湖樓話舊

初夏雨中

梅村來寓湖上疏瀹累日別後寄之四首



三十四日出錢唐門訪洪雅存楊蓉裳郭頻伽於話經  
精舍不值過崇文書院晤陳古華茶話值雨而還得  
詩六首

題顧弢庵天台記後四首

題馮稚生<sub>子</sub>濱川春泛圖

積雨四首末章兼懷顧弢庵

雜感四首

萬峯山房訪小顛上人茶話

題鄭勉齋先生遺像并序

題楊蓉裳令子伯夢過雲精舍詩

有正味齋詩續集卷二

錢唐 吳錫麒 聖徵

粹聚集二

題層琴塢耶溪漁隱圖三首

竹篙一路響蒹葭  
幾箇漁舟到若耶  
招隱武陵知不易  
青帘好傍卽儂家

溪光十里可憐時  
簪笠蓑衣去莫遲  
前路雨斜風又橫  
網魚難似網西施

雲門咫尺接煙蘿  
欲渡江湖奈晚何  
容得漁家能倣我  
船頭飽看越山多

題袁綬階移居載書圖

米芾船中備滿載  
佳釀宰裏買新儲  
移居笑得村夫子  
有幾牛

腰讀過書

雨後靈隱道中

但聽泉聲接渾忘竹篋通林青嶂外猿定白雲中  
齋窳傳備味欬屢謔佛風斜陽忽林角秋聲散濛濛

潘芝軒學使

世恩

屬題漢甌硯圖

并序

武康徐子熊飛於其鄉石城山得古甌有文曰功曹傳送壽貴  
以贈芝軒學使遂球爲視拓其本來屬題按方王書十二支神  
子曰神居丑曰大吉寅曰功曹卯曰太衝辰曰天罡巳曰太乙  
午曰勝光未曰小吉申曰傳送酉曰從魁戌曰河魁亥曰登明  
此蓋寅與申之神所謂日將也當時度地下葬應是寅山申向  
故以此爲志其曰壽貴者六壬本陰陽順逆以推吉凶此特取  
吉語耳石城山在武康西北上多漢時冢墓此甌篆文又與漢

五鳳駢相似故學使遂定爲東京物云

石城山上神光馳石城山下陰風吹慘燈暗逗秋如絲庚庚蒼  
壁蛭蛟螭苦蛟鮪沉經幾時鏤文盤屈沙畫雖證之五鳳無差  
池珍重信是東京遺演禽預祝福祿綏申金寅木配合宜青瑤  
素威交護持實沉析木躡不移陽貴陰貴兼得之樂于萬成恒  
於斯何哉金梳出與隨劫火僅不罹赤眉泥沙溷汝甘棄遺獲  
交文字緣特奇品題寬厚大匠知淵源乃自徐生貽徐君之甄  
生有詩張芭堂有徐老歌今此投贈胡無詞要開生面精磨治安置  
寶匣裝琉璃行待椽筆虹蜺垂貴人爲主夫何疑六王古法貴人爲主見夢溪筆談

題金忠節公像二首

兵戈驚眼底水火開朝端慨慷于言易支吾一臂難畫圖傳于  
姓被服剩儒酸惜不當平世臨軒策治安

覆轍循車戰圍兵集鬼門基危手敗著木落殉孤根僅不文章  
死常留涕淚存易名逢

聖世曠代慰忠魂

題瑛夢禪寶鞘光觀海圖一首

夢禪吾別久昨夢忽禪林來覩雲煙跡因參去住心波濤淩浩  
渺人代閱登臨一片蒼茫接寒蘿落日沉

侍節猶公于揮毫已白頭竹光胸貯綠海色眼橫秋夙券名山  
證良緣翰墨酬防伊缸面酒依礫賺僧樓

題廣時庵苑卿塞外雪行圖二首

絕塞凌兢記往還至今飛夢越虜顏寒飄雁影泥雙爪濕塵貂  
衰雪萬山桐酒止傳都護府春風已到玉門關得歸經荷

君玉念五載承恩早賜環

人關重見柳依依翹首慈雲喜不違官榻待來聽夜雨時有分寄元明太守

第州官板與同喜託春暉太夫人亦在郡齋晴波絮軟魚苗活遠嶼梅肥鶴

子飛回首雪花如掌大天山獵火正行圍

補祝范支山同年七十壽

人生七十稱難得況復先生樂事全一覺早圓蓬苑夢長謠但

唱石湖仙青山戶口承先德白髮詩書續後緣自別鶴鶴舊時

近來聞說友松佺

十年以長論兄事廿載相于結久歡福分那關謬瑛路來詩云草

新露自註云如弱盧蒙到疎珍子古駱家書也清高生就竹平安即看道氣今香勝依舊酒腸

前日寬姹女嬰兒養成妖不須內外辨元丹

題江諸山松風澗水圖

石瀨欲生雨松濤直沸天冷然千古調并入七條絃引我黃山

夢同尋雲海

寫鶴下重唱小游仙

家驛橋

輓詩戲賦三絕

生輓君希栗里

浚源到幾曾仙我無我相渾難悟且喫桃

花三十年

年來前輩散如雲酒座聽誰說舊聞生怕廣陵成絕調二分明

月也留君

死生富貴亦何常莫學騷人問彼蒼三百篇中羊萬隻詩君食

籍自評量

大風至平山堂訪小石上人

蕭蕭落木露亭臺特地尋僧出郭緣鷗雪遠翻湖尾沒松濤寒

挾梵音來留連鄉語斜陽戀激蕩詩心落葉催矯首匡廬渺興

發早應歌吹洗喧

時小石將游廬山

山舟先生以重赴鹿鳴宴詩見示賦答四首

名遠伊肆鹿鳴章忽聽吹笙又鼓簧一老能來執牛耳衆仙齊擁賦霓裳以衡特荷

新恩命雪鬢重臨舊戰場六十年前爭此席幾人得似詹靈光官燭三條耐苦辛至今大雅仗扶輪科名故是君家物福德今看佛地人天上王堂還感舊夢中蓬苑更回春江湖也嘆逢忙日裝點衣冠魏闕身

看來英傑最逾青還瑛真如會帳亭共談神焦三級浪是口兩主司後先生

三獨蟠老桂一山聲積槓後進無描畫經歷

先朝有典型說與不羅天上事人人翹首下風聽

金丹爐裏大還年玉笋班中獨立仙重紀支士皆異數俯諭行

輩亦前緣行看領神魁千叟恰應星辰聚四質此是典者直隸徐積翁方鄉湖南羅典與



先生先  
四人 我是吳剛修月慣他時妄想乞薪傳

題大滌子畫卷二首

阿師捧到楚江船三昧何曾問巨然學得西天蛇勢法藤纏筆  
絡一條煙

聽來歌吹竹西曾一樣荒寒感不勝過眼繁華渾似夢人間猶

識苦瓜僧

石湖有竹西歌吹舊地余  
嘗於堤角門前覽之

哭何春渚二首

枯樹灣頭煙水寬先生常此理漁竿高名豈假辭徵重生計惟  
憂食字難垂老淚因知已灑臨終詩約故人看飄然正發凌雲  
笑不道牙琴已輟彈

舊事蒼茫四十年往來同結打包緣夢回酒醒揚州笛月落潮  
生滬續船回首幾人能健在黃墟回首總淒然梅花萬樹孤墳

樂子載惟隱處士傳

待梅

園林漠漠積青苔  
雪返霜封已幾回  
翠袖寒生人獨倚  
縞衣夢阻月先來  
記曾北使迢迢盼  
悔不南枝檢擇栽  
瘦絕巢居閣邊  
影祇應煙鶴與徘徊

春風未到花信猶遲來  
之殘熒斷楫間如與我梅兄相  
晤對也因題十絕以慰相思

高士湖頭冷不禁  
冥冥幾樹玉煙深  
正須領禽香來處  
莫但只梢鼠尾尋

一篇口訣便爲師  
寫盡南枝與北枝  
畢竟華光三昧在  
嫩寒籬曉行時

江路繁華歷亂開  
費他蜂蝶也尋嬌  
後人除是野堂野  
奉勅村

梅許配來

生面同開冰雪窩各矜高格在煙蘿冲元道士蕭閒甚却白林

泉氣象多

王孫文采一時同出處吾憐松雪翁讓與彝齋逞高致圖書冷

落水晶宮

解大紳奏而集云趙文敏中歲鑄雪印以水晶宮道人圖書因僧中有唱竭寺表對以行者為對遂不用此印而梅少畫

插空如棘萬條俱九里山人大耐劬日日經營圖得米妙能煙

人一些無

付滕三叉石田筆潑墨糊空不肯晴忽透銅坑春一豎愈花濃

處愈空明

近代冬心擅作家遺嫌猶足百金誇槎枒怪墨題都遍助出湯

甥倒暈花

線圈成網有被酒邊意興最飛騰春風合眼揚州夢惆悵花

之秀裏僧

蒼竹攬松路一條遶籠寒水近通橋此間可欠騎驢我明滅酒  
旗招復招

雪中過華秋槎瑞滿北山旅館

清氣浩無際泊然雲滿湖鷗鳥寂同夢竹柏紛相扶微茫隱去  
術超忽明來途踐滑樵步遵陟峭山館趨虛空疊巖色嵌合峰  
影無彌縱幽眺迴思樂素賞俱結瑤旣云贈援蘿期與娛的門  
花自泣茫茫麥徐蘇但續陽春彈母憂琴語孤

喜晴

乍豁雲陰寒已輕青鞋軟軟踏泥行好花臨水破初白乾鵲傍  
簷催老晴漸上春燈人易閑齊鳴腰鼓草潛生依然十廟嬉遊  
處撥觸童心百感盈

十三日夜集胡味藹道一堦書屋

冥冥故陰輟藹藹鮮雪披徐徐腮側啟皎皎蟾正窺華燈淡空  
色皓魄停煙交美茲令節佳雅荷君子期發春託絃酌流素盈  
軒墀乍透花枝明旋休挂影馳履謙夙云慕虛滿鑒在茲但願  
清輝照不隔中心知

十四日夜集項秋子春及草堂觀月

林端乍流光鬱角遠移亮謂是夜鄉晨迺望月幾望狀驗昨膏  
殊樂取今夕暢圓方薦畦蔬清濁品家釀臣願復一中魄似習  
三讓寒深資皎潔宛轉上屏障影漸活微波勢已現圓相坐謝  
禮法拘仰視天宇曠吾儕敦古歡風物致清餉歸途就餘明尚  
聞連踏響

十五日夜月

團圓快茲夕蟾兔爭輝光徘徊入戶牖窮窈尋惟房在手掬不  
盈寓目彩並揚千影與萬影蕩漾燈衢長仰睇白玉盤端然天  
中央月出滿有期人生會難常徒驚歲序移彌切關山望處盛  
良匪易無闕豈不臧故人期努力光明在君旁

十六日夜月

明月不用買飄然已生天念茲二八期耿耿光自憐俯視人間  
世萬里飛寒煙膏漆縱云繼金綺亦有權盈虧迭爲用顯晦終  
易遷徬徨聽曉箭歛忽催盛年高樓試回照往昔多嬋娟徒煩  
朧朧警履霜戒惟先

十七日夜池上待月送潘昂街至揚州

停琴佇何勞淹久吐微白眷眷可憐宵遲遲落燈夕流連池上  
眺屢見愈孤潔迴光助波瀾翳影迷竹栢時逢帶春星矧復款

行客頽魄豈終駐思心奈紛積雁替憬故程羈去夢今夕人生  
衣食難子亦慨行役引領三分明相待廣陵驛

白文公生日同人襄祀於西湖祠下

依舊新年似去年招來湖上祭詩仙  
蘋蘩料理先生饌花鳥句  
留刺史天春色恰添隄畔柳時隄土新栽柳句  
春光初破樹頭煙北鄰何  
處招元九欲遞詩筒一惘然

清平階中丞安泰自去臘移撫河南吾浙謳思者至今

未已賦詩二首寄之

攀轅猶未息歌謳鼓角偏催畫鷁浮春水  
公如坐天土甘棠音  
自在心頭行隄此日懷坡老繫并當年頌  
鄉侯鶴唳一聲梅萬  
樹西湖處處解句留

天歸去振鳴珂公一腔見後赴陳一樣東南待澤多此戶瘡痍憐亦多

原保障重黃河卽看恣意荏苒驚行卜流安箭箭波燈火焚樓

應念我游梁前約情蹉跎此詞歲局出市中亦曾以六字

項秋子招集蘇公祠觀梅用東坡松風亭下梅花盛開

韻

風沙蓬勃迷前村綺衣瑟縮愁斷魂佳招喜帶春色至催晴陡  
破煙靄昏蒼苔近指處土墓寒騎遠越斬王園玉局仙人不歸  
去愛護此樹常留溫于詩醞釀出濃厚一氣融結含清暇周圍  
但見白雲繞略補缺處山當門窺來湖水若爲笑問之翠羽知  
何言寒泉且待薦秋菊約花請佐先生尊

過新市不及訪沈梅村以詩寄之二首

柵鎖荒波徑繞苔春寒不見小門開吟詩正念先生癡孤峭二



松影來

收拾家山付畫圖  
梅花時節又江湖  
廿年一紙西溪約  
說著惟應負負呼

晚過烏戌

大半漁家聚幾條  
葭路深酒旗明夕照  
野色蒼蒼陰竹樹  
密密無次梅花香出林  
微微炊煙起隔浦已歸禽

舟中望靈巖諸山

鳴臚就春陰  
山影落人外  
蓬蓬延遠曠  
漠漠散虛鷗  
初陽如媚人  
高拓晴宇大  
蕭寥一碧收  
參錯衆峰會  
仰視巖林條  
傾聽鏗石瀨  
思偕猿鳥歡  
恒觸麋鹿喟  
淫荒德先否  
貞素道終泰  
伊余蹟風塵  
聊幸釋盤帶  
因風寄澗阿  
亮無辱松檜

與吳門諸君子有鄧尉探梅之約而不果赴

二三月子太依依催我扁舟似葉飛此段真成破花惱舊生  
更念言肥白雲蕩漾情尤戀翠羽明歌夢亦運者酒尚煩懷後  
約熟梅時節雨霏霏

毘陵道中八首

野鷺依依佇遠汀輕波滑笏正揚舲打頭忽轉春風急吹綠垂  
楊挽我行

風塵警屑縞衣單沿路村■苦耐寒可惜華光衣鉢歇垂緝一  
樹待誰看

牛舫沿緣出港遲舵樓飯罷十晴時呼名鴨鴨趁波去暖處問  
渠知不知

艸艸勞人劇可憐艤舟亭畔重流連一言江水能聽否我亦思  
營陽羨田

毫笠行看野外催荒田幾棱雪消纔麥苗珍重片瓦色一鰲正

搖飢雁來

去年地苦旱荒天今飢民尚有搖船名食者

蘭陵酒美驕春風當壚女兒雙磨紅能說唐人舊時價莫嫌專  
壘數錢工

龍虎驕壘腹受盟詩人多以酒為名只防捉醉翻新格卸了春

紙不人城

謂趙宋在洪  
德存隆所生

陳跡天涯去似梭郵錢又數一番過平林遠水煙生處為人南  
田盡亦多

### 昌城

川程期利濟旅泊淹荒

迷壘誰築頽陽隱果

齊淒轉濃荷木之子信

銷情託

蒲囑永言君子慕負

腹部曲

音何蕭

湖簫條臨沙感洄湫時遇農天言春耕拾

暮過陵口

貴賤非一致邛隨夷室同卽看黃屋尊終就蟻壤封朱方落日  
暮陵口蒼煙濛幽泉鳥雁去古穴魑魅通荆棘盛有時絢羅臨  
已空都將歌吹聲吹入松栢風辛勤憶行役寂寞羈孤篷獨  
六朝水鳴咽西陵東

京口待渡

動我淩雲意三山近可招一恍思徑渡半日向停橈遠寺晴開  
畫春江綠上潮清饒愁徒倚幅幅酒旗搖

洪桐生太守

招同秦曉峰觀察

繼嶽

貴仲符郎中徵

平山望觀梅有懷小石上入廬山之游

習吟會語喧快獲天宇齊風水動微漣煙蘿澄宿霧行行蘭漿

送上上茗麝夷旣延竹外賞還引花間睇日澹虛白生雲流暗  
香遞光景滅復明的瞭江空際懷哉廬嶽游再涉果初誓願辭  
歌吹歡共締林泉契憑欄佇無言江色上衣袂

曉峰觀蔡以游平山堂詩來次韻

招攜來看隔江山迤邐紅橋水一灣鐘定僧逢香飯熟花繁門  
被白雲關卽今臺榭名賢重難得壺觴太守閒千古風流更誰  
繼喧喧歌吹日塵寰

道道花朝二首

長紅小白共招要香霧空濛蠟燭燒柳外一九黃月上最圓圓  
夕作花朝

批茶忙完撲蝶隨今番又要祝延之分明長在繁華夢只是愁  
春未醒時

喜雨

忽閃燈頭暗旋驚電影來歡聲迎草木  
蟄氣走風雷屋漏催移榻宵寒起撥  
醅江頭誰繫艇正訝怒潮回

喜芸臺中丞重來撫浙賦呈四首

高雲在天上舒展無不宜及乎下膏澤  
又若擇地施昔公撫吾浙春在人不知  
三年匪莪詠換去甘棠詩豈知朝命加  
重得瞻旌旗

帝葢念東南特從民借之西湖水楊柳  
風來吹參差南屏金鯽魚水暖同游嬉  
吾儕荷生養敢忘惠與慈恃公如親戚  
良有責望詞進我如芻蕘請賜清暇時

浙東海所環游氛近殊惡沿緣閩粵來  
每趁風利泊蟲沙飛莽莽寇奪肆爲虐  
樓船豈不盛水犀亦非弱我未堅一心  
彼敢逞

四掠公昔海上師此輩親斬斷卽今寧不然事在用先著縱橫  
截波濤咫尺嚴鎖鑰凡我所設施毋爲彼料度直就巢穴搜行  
見羊豕縛浴日出扶桑聽歌估客樂

水利久不治積葑日以豐沿緣湖南北一舸僅能容苟非廓清  
之安得壅蔽通自從我公來身任造化功萬象盡披豁皎鏡磨  
青銅置余鷗鷺側笑語生清風炯炯閱千古又何塵可蒙昔人  
築隄力謂與甘棠同思公如西湖注浥真無窮三年成契濶一  
見彌冲融涯派萬柳綠塘種千菓紅祠下一瓣香請禮香山翁  
漢代重六藝次第立學官其後失師承蕪雜欲究難自公起提  
倡始知樸學尊煌煌詁經室鄭許追淵源莘莘諸弟子名物資  
研殫至今稽古榮 天衢各扶搏實公獎成之風氣一改觀公  
歸道自存公來業益敦東坡三到蹟檣李爭攀援而公於此間

重是教化端文翁善石室千載同不刊

四月三日湖上作

衝煙盪到郭門船橋外陰陰一徑連  
春泥來燕候響催桑  
翦飼蠶天應時鳥解留春  
陪過眼人會讀畫綠新綠在山  
萍在水花游好趁夕陽邊

春盡日雨中同梅村於玉蓮庵湖樓話舊

東風不放好懷閒  
得到今朝雨又催  
茶笋光陰留客住  
鶯花情味送春來  
青山老伴悲前路  
白髮僧樓話幾回  
草少湖心舊鷗鷺  
斜陽歷歷記銜杯

初夏雨中

悄悄情味也如愁  
一簾展盡屋頭已  
覺雨多纔入夏  
但逢鸞  
熱又成秋  
綠肥豆莢田家飯  
紅配櫻桃野客餐  
添箇詩人尋畫



到蓑衣閒傍郭門舟

時郭頻伽來寓湖上

梅村來寓湖上流連累日別後寄之四首

相於渾不倦  
稽攀四十年  
來鬢盡斑  
風雨勿渝如白水  
林泉有託漸名山  
光陰閱歷難  
蟲外蹤跡徘徊  
廉讓間多少  
行雲同出袖却輸吾輩  
竟能還

江湖魏闕豈迢遙  
輶傳頻聞走大僚  
籌海漫論司馬法  
憂時要待復陂謠  
但教花竹生和樂  
自有煙霞慰寂寥  
歌咏太平吾與子  
芒屨隱稱樵羅招

歸田有約闕汗萊  
邀我仙潭數往來  
夕照遠銜山寺塔  
春星低落草堂杯  
鵲閒罷賦高軒  
過蜂冷食尋故紙  
堆難得湖天三日  
住不留欄醉豈容歸

君溪會記舊巢尋俗樸  
何曾世求侵謁  
鳥自爲朋又語  
漁樵多

長子孫心地經五隱居原樂村有三家住卽深怕我未來君欲

去祇教幽夢挂遙岑

時君不移居人城之裔

二十四日出錢唐門訪洪稚存楊蓉裳郭頻伽於話經  
精舍不值過崇文書院晤陳古華茶話值雨而還得詩

### 六首

宿煙埋樹濕於灰野水連陂綠似苔半晌寒生柔柳澹蒼蠶天

氣作黃梅

枯俗有蠶黃梅之說

柏梢新筍已過牆老竹虬髯態漸蒼却笑昨宵逢醉日醒來猶

### 學次公狂

挈鷗提鵬主客俱磨滅我只長髮擁船聞在黃妃塔隨著鐘

聲揮過湖

青旗斜插水楊偏門口誰來繫釣船漸颯蘆風人不見一棹閒

金華詩集卷之二  
三  
裘酒瓶眠

坡仙去已七百載壇坵爭馳後起才  
水冷雲荒留此席披披長帽說詩來

石幢花雨峭寒生隱隱松關佛火明  
清楚不聞門已掩鈍蛙猶學木魚聲

題顧發庵天台記游後四首

虛空吹散赤城霞處處團圞茹自結  
跡三十年來無一侶讓君風雪詵桃花

金房玉柱鬱崔巍松竹真蹤路不開  
扶得靈山直髓出知從雲頂透身來

漫天珠瀑狀尤奇紙上霏霏翠濕之  
雨歛風呼爭倏忽一條藤杖化龍騎

攜人直似上雲端縹緲堪思刻畫難此是華嚴法界語休將寒拾唾餘看

題楊柳生畫川春泛圖

游心已挂蘇臺柳聽聞輕艦鳴渡口萬樹新煙滅復生撩人春色濃於酒橫塘搖去一橋通無數人家開水牕搖起蘋雲水面飛嬌歌恰續流鶯後願賡伐木答嚶嚶肯約看花呼負負山巖當壚早女鴛天生斫鱸吳媛手深杯百罰請中之密網千絲曾結否餒香粥白過清明行樂秋千村外有棠梨偏傍家邊開麋鹿還來臺上走響屨無聲羅綺寒東風長遍青青厚泥爪空勞雁重尋白頭難得鷗相守卽教花木無恙終仗楮毫傳不朽柿生之游弢廐圖其月逢辰歲在丑作詩我亦附題名客倘從平更誰其他時堂宇許追陪

方至堂爲君此

段煙波足消受獨憐

身世熟汪湖一塔斜陽屢回首

積雨四首末章兼懷顧駿庵

隔簾銀竹萬條垂過了黃梅文上時

田家古夏至起晴分三節是十五日

辛苦山妻簪

茗料陶甌要殷一年支

雲光霧氣屋全迹重鴈還防濕疾加莫更爬沙爭腳手老夫久已鈍於蛙

田荒只怕呼庚癸紙貴偏勞寫丙丁昨夜小池新水漲和萍流到榻前青

丹青四壁雜莓苔多是徐熙落墨來惱殺石簪山畔客夕陽金碧盡樓臺

雜感四首

日望尾閭重重吟河復篇雨黑生春鋪泥土傲金錢肝食

君王驚周咨伐者賢信臣遺跡在從前城有包老人能作詩賦

去歲附舟賜與帶益老  
八已一百二十餘坊矣

河伯胡相忍狂流更可嗟酒酒移蟹稻滾滾走蟲沙淒咽猶終

夜淨生此一涯誰呼斂于旌樂處去爲家

自昔孫恩劉勞海上師蛟涎腥島嶼屋氣閃旌旗與廟終看

覆樓船與疑三軍聽進止只待順風麾

荒荒行井巷憂極首頻搔疾困河魚劇飢攢渚雁替艱難籌米

價憔悴念田毛誰解五行志老生談莫勞

萬峰山房訪小顛上人茶話

深山葉落易成秋策杖重來徑轉幽萬竹熨青游客眼千詩吟

田老僧頭隨時且醉聲聞酒論跡同爲浩蕩鷗棲墨滿牆看不

盡遠鐘已在暮雲流

題鄭勉齋先生遺像并序

先生諱滿字子謙勉齋其號也宏治壬子舉於鄉與餘姚方錄  
王寧仁同榜齊名歷仕臨清學政道州濮州知州其治以敦教  
化美風俗爲先其學問以閩洛諸儒先爲法後見彬彬輩用事  
知時不可爲年四十六卽乞致仕卒年五十有一此其遺像也  
其十二世孫勳來乞詩因爲題此

古人鬚眉清透骨眸然道氣胸中發鄭公通德署門國傳家賴  
不微言沒惜明中葉昏波汨公起乙科旋又歆道州濮州治行  
揭家禮淳淳比貽厥歸湖淵源求理寓一峰老去白沙破龔挽  
千鈞於一髮姚江之學度且越身乃林泉不  
鉞讓與青天盤  
健鶻世途垂亦免齟齬子孫餘蔭託清樾千載高名光日月影  
橫鶴浦橫翠元欲問甘棠視其笏

題楊蓉裳令子伯夔過雪精舍詩

百尺修梧下鳳雛  
矯然文采世間無  
楚人騷怨開三李  
江上清琴侍老蘇  
舊聞山懷北地新  
盟鷗鷺約西湖  
羽衣吟入松風去  
一路猿聲鶴嶺俱